



# PARLAMENTO DI KÒRSOU

Parliament of Curaçao • Parlamento de Curazao • Staten van Curaçao



Na: Presidente di Parlamento di Kòrsou  
Sra. Ch. America-Francisca  
Wilhelminaplein 4  
Presente

Willemstad, 29 April 2024

Tópiko: Pregunta na Minister di Salubridat, Medio Ambiente i Naturalesa  
Sr. J. Sylvania i sr. G. Pisas riba e Fenómeno di un kantidat grandi di piskánan Gutu ( Parrotfish) morto !

Honorabel sra. America-Francisca,

Señora presidente, pa medio di e karta aki suskrito ke hasi uso di artíkulo 96 di Reglamentu di Òrdu i ta pidi enkaresidamente pa bo persona por dirigí e karta aki ku e Tópiko: 'Fenómeno di un kantidat grandi di piskánan Gutu ( Parrotfish) morto !' na Minister di Salubridat Públiko sr J. Sylvania i sr. G. Pisas.

Atentamente

Ana Marija Pauletta  
Frakshon di PAR





# PARLAMENTO DI KÒRSOU

Parliament of Curaçao · Parlamento de Curazao · Staten van Curaçao

PRESIDENTE DI PARLAMENTO  
DI KÒRSOU

Na  
Minister di Salubridat Públiko, Medio Ambiente i Naturalesa  
Sr. J.F.A. Sylvania  
Piertermaai 4  
Presente

Willemstad, 2 di mei 2024

Bo referensia:

Bo karta:

Nos number:  
23-24/00810-0

Tópiko: Karta konforme artíkulo 96 di reglamento di Òrdu

Apresiabel señor Minister Sylvania,

Konforme artíkulo 96 di Reglamento di Òrdu di Parlamento di Kòrsou, mi ta dirigí un karta na Minister ku 3 pregunta di miembro di Parlamento señora A.M.V. Pauletta.

Nos ta keda pendiente pa e kontestanan.

Atentamente,

Presidente di Parlamento,

Sra. Ch.M. America-Francisca



# PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

Minister di Salubridat, Medio Ambiente i Naturalesa  
Sr. J. Silvania i sr. G. Pisas  
Colon  
Presente

Kòrsou, 29 april 2024

Tópiko: Fenómeno di un kantidat grandi di piskánan Gutu ( Parrotfish) morto !

Apresiabel Minister Silvania i/òf minister Pisas,

Ku sentido di preokupashon suskrito a tuma nota di e komunikado di Carmabi, kaminda nan ta informá ku nan a deskubrí piskánan Gutu morto i nan ta hasi un yamada na piskadónan pa yuda ku kolekshon di mas informashon. Segun e komunikado un posibel motibu pa ku e morto di e gutunan ta e alganan ku nan ta kome, ku lo por ta kontené un tòksina ku ta dañino pa e piskánan. E bakteria/tòksina aki lo por a keda produsí dor di nivel haltu di kontaminashon den laman, entre otro dor di dùmp sushi den awa di laman.

Ta konosí ku e piska Gutu, ta un di e piskánan ku ta kontribuí na salbuardiá nos rif. Nan ta kome e alganan ku ta krese riba koral i piedranan. E echo ku nan ta kome e alganan, ta yuda tene nos koralnan salú i tambe dor di e kome e alganan nan ta yuda e koralnan reproducí. E importansia di e gutu pa sobrevivensia di nos rif ta enorme. E gutu ta un di e tiki espesienan marino ku a sobra ku ta kome e alganan ku ta krese riba nos rif. Lo ta un problema hopi grandi si pa malesa òf venenamentu nos pèrdè un populashon grandi di gutu. Esaki lo por hiba na ku nos ta sigui pèrdè koral, ku tur e konsekuensianan pa nos ekosistema bou di laman.

Ademas ta importante pa remarká ku gutu ta un piska ku ta keda piská pa konsumo humano. Esaki por nifiká ku esnan ku ta kome e piska aki, ta kore e riesgo pa eksperensia malestar dor di kome e piskánan aki ?

Den kuadro di esaki, suskrito tin algun pregunta:

1. Minister den kuadro di e tópiko aki, tabatin kontakto ku Carmabi ? Minister lo por informá parlamento di esaki ?
2. Minister ta dispuesto pa laga hasi un investigashon urgente i ekstenso, huntu ku Carmabi i piskadónan na e motibu pa kual nos ta mira e fenómeno repentino di morto di basta gutu ?
3. Minister ta haña responsabel pa informá komunidat pa evitá di kome gutu, miéntras ta investigá kua ta e motibu pa ku e fenómeno aki?

Danki di antemano

Ana Maria Pauleta  
Miembro di Parlamento, Partido Alternativa Real **3 PAR**